

# Mālō e lelei mei Falaniseē!



Salut! Ko Mako mo Paolo kimaua!

'Okú ma fononga takai holo he māmaní ke ako fekau'aki mo e fānau 'a e 'Otuá. Kau fakataha mo kimaua 'i he 'ema 'a'ahi ki Falaniseē!



'I he fakatonga 'o Falaniseē, 'oku teuteu e kakai ki he Kilisimasí 'aki hano fā'u ha "crèche," pe fakatātā 'o e 'alo'i. 'Oku fonu 'a e feitu'u ko iá 'i he kakai 'oku nau tatali ke 'alo'i 'a Sīsū Kalaisi. 'I he efiafi kimu'a 'i he Kilisimasí, 'oku nau fokotu'u ha 'imisí 'o e vavevale ko Sīsú 'i he crèche!



## Fe'iloaki mo ha ni'ihí homa ngaahi kaungāme'a mei Falaniseē!



'Oku ou manako 'i he me'a kotoa pē fekau'aki mo e Palaimelí—'a e 'ū hivá, kau faiakó, ngaahi 'ekitivitii, mo e ngaahi me'a 'oku ou ako fekau'aki mo Sīsū Kalaisí. 'Oku ou mātu'aki sai'ia 'i he taimi 'oku mau talamonū fiefia ai ki he 'aho fā'ele'i 'o e fānau. 'Oku ou vēkeveke ma'u pē ke 'alu ki he Palaimelí 'i he uike kotoa pē.

**Suli B., ta'u 10, Haute-Kalone, Falaniseē**



Ko e talanoa 'oku ou sai'ia taha ai 'i he Tohi 'a Molomoná 'oku fekau'aki ia mo hono fakamolemole'i mo 'ofā'i 'e Nīfai 'a hono ngaahi tokouá. Mālō mo e sippinga 'a Nīfai, 'oku tokonī'i lahi au 'e he kongá ko 'eni 'o e folofolá ke faingofua ange 'eku kole fakamolemole ki hoku ngaahi tokouá 'i he taimi 'oku mau kē a'i pea mo fakamolemole'i foki.

**'Evelini N., ta'u 6, Île-de-France, Falaniseē**




Ko e Louvre, 'i Pālesi 'a e misiume 'aati lahi taha 'i māmaní! 'Oku 'i ai ha ngaahi ngāue faka'aati 'e 380,000 tupu.

Mālō ho'o fie mamata 'i 'a Falaniseē mo kimauá!



'Oku meimei ke 'i he toko 40,000 'a e kāingalotu 'o e Siasí 'i Falaniseē! Ne 'osi 'a e tempale Pālesi, Falaniseē 'i Mē 2017.



Ko ha Tohi 'a Molomona 'eni 'i he lea faka-Falaniseē.

'Oku 'iloa 'a Falaniseē ko hono maá mo e sīsí. 'Oku tokolahi e kakai 'oku nau fakatau mai e mā fo'ou mei he boulangeries (fale ta'o mā) 'i he 'aho kotoa pē.



'Oku manako e fānau Falaniseē ke va'inga "escargot." 'Okú te puna 'i ha fo'i fuo takatakai ke a'u ki he ngata'angá!

**'Okú ke ha'u mei Falaniseē? Tohi mai kiate kimaua! Te ma fiefia ke fanongo meiate koe.**